

REPUBLIKA E SHQIPËRISË

AGJENCIA E SIGURIMIT TË CILËSISË NË ARSIMIN E LARTË  
BORDI I AKREDITIMIT

VENDIM

Nr. 59, datë 27.11.2020

PËR

AKREDITIMIN E PARË TË PROGRAMIT TË STUDIMIT TË CIKLIT TË DYTË, MASTER I SHKENCAVE NË "INFERMIERI  
KLINIKE", TË UNIVERSITETIT "ALDENT"

Bordi i Akreditimit, bazuar në Ligjin Nr. 80 datë 17.09.2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", Ligji Nr. 8480, datë 27.5.1999 "Për Funksionimin e Organeve Kolegjiale të Administratës Shtetërore dhe Enteve Publike", Ligjin Nr. 44/2015, datë 30.04.2015, "Kodi i procedurave administrative të Republikës së Shqipërisë", Vendimin e Këshillit të Ministrave Nr. 109, datë 15.02.2017 "Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë", i ndryshuar, Vendimin e Bordit të Akreditimit, Nr. 1, datë 07.04.2017, "Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë", Vendimin e Bordit të Akreditimit, Nr. 2, datë 07.04.2017, "Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit", Vendimin e Bordit të Akreditimit, Nr. Ekstra 1, datë 02.02.2018 "Për miratimin e Rregullores së Bordit të Akreditimit" dhe Vendimin e Këshillit të Ministrave nr. 531, datë 11.9.2018, "Për miratimin e Kodit të Cilësisë së Arsimit të Lartë", në mbledhjen e tij të datës 27.11.2020, në kuadër të vendimmarrjes për akreditimin e parë të programit të studimit të ciklit të dytë, Master i Shkencave në "Infermieri Klinike", me të dhënat si më poshtë:

- a. Emërtimi i programit: Master i Shkencave në "Infermieri Klinike"
- b. Cikli i studimit: Cikli i dytë
- c. Akti zyrtar i hapjes/licensimit: Urdhër i Ministrit të Arsimit, Sportit dhe Rinisë Nr. 191, datë 20.04.2018
- d. Institucioni që e ofron: Universiteti "Aldent"
- e. Njësia bazë përgjegjëse: Departamenti i Infermierisë dhe Fizioterapisë
- f. Kohëzgjatja (Vite/semestra): 2 vite / 4 semestra
- g. Kredite (ECTS): 120 kredite
- h. Forma e studimit: Me kohë të plotë
- i. Statusi i diplomës: ofrohet vetëm nga Universiteti "Aldent"
- j. Niveli i diplomës në kuadrin e Kornizës Shqiptare të Kualifikimeve: Niveli 7

pasi **mori në shqyrtim:**

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Raportimin e Ekspertëve të Vlerësimit në mbledhjen e Bordit;
- e. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;

**konstaton se:**

1. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
2. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimit gjatë vizitës në institucion;
3. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
4. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
5. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimit të ciklit të dytë “Master i Shkencave” dhe “Master i Arteve” dhe cilësinë e ofertës akademike të programit të studimit është “i përmbush kryesisht standardet”, me mangësitë si më poshtë:*
  1. Ngarkesa mësimore e programit të studimit nuk mbulohet në masën 70 % nga stafi akademik me kohë të plotë.
  2. Angazhimi në këtë program studimi, i stafit akademik pa gradë shkencore.

*Mbështetur mbi rezultatet dhe arsyetimin e mësipërm, Bordi i Akreditimit,*

**VENDOSI:**

1. Vlerësimin Përfundimtar **POZITIV** për programin e studimit **Master i Shkencave** në **“Infermieri Klinike”, të Universitetit “Aldent”, me rekomandimet sipas Shtojcës së këtij vendimi.**
2. **Akreditimin** e programit të studimit me kohëzgjatjen prej **5 (pesë) vite.**
3. Institucioni të plotësojë mangësitë e pikës “e” të këtij vendimi brenda datës 30.09.2022 dhe të raportojë në ASCAL.
4. Afati përfundimtar i vlefshmërisë së akreditimit të programit të studimit është **30/09/2025.**
5. Ngarkohet Agjencia e Sigurimit të Cilësisë në Arsimin e Lartë për zbatimin e këtij Vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve Shtetërore të Cilësisë dhe plotësimin e rekomandimeve sipas Shtojcës bashkëlidhur.

Ky Vendim hyn në fuqi menjëherë.

**Shtojca**

Rekomandimet në zbatim të vendimit të Bordit të Akreditimit Nr. 59, datë 27.11.2020, “Për akreditimin e parë të programit të studimit të ciklit të dytë, **Master i Shkencave** në **“Infermieri Klinike”, të Universitetit “Aldent”, janë si vijon:**

1. Institucioni, të rekrutojë staf të ri akademik, me tituj dhe grada, për të mundësuar mbulimin e ngarkesës mësimore në masën mbi 70% nga staf akademik efektiv (PAE), në përputhje me VKM Nr. 418, datë 10.05.2017.

2. Institucioni, të angazhojë staf akademik, me tituj dhe grada, në programin e studimit në përputhje me nenin 59, pika 6, të Ligjit Nr.80/2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”.
3. Institucioni, të rrisë përfshirjen e studentëve të këtij programi studimi, në programe shkëmbimi apo mobiliteti.
4. Institucioni, të angazhojë personel ndihmës mësimor-shkencor për realizimin e orëve laboratorike dhe për mirëmbajtjen e laboratorëve e mjediseve të tjera mësimore, sipas natyrës specifike të programit.
5. Institucioni, të marrë masa për përditësimin e literaturës së detyruar, vënë në dispozicion të studentëve, pasi në një pjesë të silabuseve rezulton të jetë më e vjetër se e pesë viteve të fundit.
6. Institucioni, të plotësojë dokumentacionin e studentëve me dëshminë e mbrojtjes së gjuhës së huaj, në përmbushje të kriterëve të pranimin të studentëve në ciklin e dytë të studimeve bazuar në nenin 76 pika 4, të Ligjit Nr.80/2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”.

Në përmbushje të rekomandimeve të mësipërme, **Universiteti “Aldent”**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.